



大唐西域記

見付  
稱  
寺藏

ル 7  
3586  
4



門 3586 卷 4

大唐西域記卷第七

三藏法師

玄奘奉

詔譯

大摠持寺沙門

辨機

撰

五國

婆羅痾<sub>反</sub>女<sub>兼</sub>斯國

戰主國

吠舍釐<sub>反</sub>力支國

弗栗恃國

尼波羅國

婆羅痾斯國周四千餘里國大靜城西臨殍伽河長

十八里廣五六里間闢栴比居人殷盛家積巨萬

室盈奇貨人甚溫恭俗重強學多信外道少敬佛

西域記

氣序和暢穀稼盈果木扶疏茂草薈蔚伽藍三十餘所僧徒三千餘人並學小乘正量部法天祠百餘所外道萬餘人並多宗事大自在天或斷髮或堆髮露形無服塗身以灰精勤苦行求出生死大城中天祠二十所層臺祠宇彫石文木茂林相蔭清流交帶鑰石天像量減百尺威嚴肅然懍懍如在大城東北婆羅痾河西有窣堵波無憂王之所建也高百餘尺前建石柱碧鮮若鏡光潤凝流其中常現如來影像

婆羅痾河東北行十餘里至鹿野伽藍區界八分連

垣周垣層軒重閣麗窮規矩僧徒一千五百人並學小乘正量部法大垣中有精舍高二百餘尺上以黃金隱起作菴沒羅果石為基陛輒作層龕龕而四周節級百數皆有隱起黃金佛像精舍之中鑰石佛像量等如來身作轉法輪勢

精舍西南有石窣堵波無憂王建也基雖傾陷尚餘百尺前建石柱高七十餘尺石含玉潤鑒照映微燄歎祈請影見眾像善惡之相時有見者是如來成正覺已初轉法輪處也其側不遠窣堵波是阿若憍陳如等見菩薩捨苦行遂不待衛來至於此而自覺

百歲記

其傍窳堵波是五百獨覺同入涅槃處又三窳堵波  
過去三佛座及經行遺迹之所  
三佛經行側有窳堵波是梅咀麗耶唐言慈即姓也舊曰勝勤訛也  
菩薩受成佛記處昔者如來在王舍城鷲峯山告諸  
苾芻當來之世此瞻部洲土地平正人壽八萬歲有  
婆羅門有子慈氏者身真金色光明照朗當捨家成  
正覺廣為衆生三會說法其濟度者皆我遺法植福  
衆生也其於三寶深敬一心在家出家持戒犯戒皆  
蒙化導證果解脫三會說法之中度我遺法之徒然  
後乃化同緣善友是時慈氏菩薩聞佛此說從座起

自佛言願我作彼慈氏世尊如來告曰如汝所言當  
證此果如上所說皆汝教化之儀也

慈氏菩薩受記西有窳堵波是釋迦菩薩受記之處  
賢劫中人壽二萬歲迦葉波佛出現於世轉妙法輪  
開化含識授護明菩薩記曰是菩薩於當來世衆生  
壽命百歲之時當得成佛號釋迦牟尼釋迦菩薩受  
記南不遠過去四佛經行遺迹長五十餘步高可七  
尺以青石積成上作如來經行之像像形俱異威嚴  
肅然肉髻之上特出髻髮靈相無隱神蓋有微於其  
垣內聖迹寔多諸精舍窳堵波數百餘所略舉一二

難用詳述

伽藍垣西有一清池周二百餘步如來掌中盥浴次  
西大池周一百八十步如來掌中滌器次北有池周  
百五十步如來掌中浣衣次此三池並有龍止其水  
既深其味又甘澄淨皎潔常無增減有人慢心濯此  
池者金毗羅獸多為之害若深恭敬汲用無懼浣衣  
池側大方石上有如來袈裟之迹其文明徹煥如雕  
鏤諸淨信者每來供養外道凶人輕蹈此石池中龍  
王便興風雨

王獵人剥其牙也詐服袈裟鬻狐伺捕象王為敬製  
袋遂接牙而授焉

授牙側不遠有窣堵波是如來修菩薩行時慈世無  
禮示為鳥身與彼獼猴白象於此相問誰先見是尼  
拘律樹各言事迹遂編長幻化漸遠近人知上下  
道俗歸依其側不遠大林中窣堵波是如來昔與  
提婆達多俱為鹿王斷事之處昔於此處大林之中  
有兩群鹿各五百餘時此國王敗遊原澤菩薩鹿王  
前請王曰大王狡獵中原縱燎飛矣凡我徒屬命盡  
茲晨不日腐臭無所充膳願欲次差日輸一鹿王

西域記中

四

割鮮之膳我延且夕之命王善其言迴駕而返兩鹿  
之鹿更次輸命提婆群中有懷孕鹿次當就死白其  
主曰身雖應死子未次也鹿王怒白誰不寶命雌鹿  
嘆曰吾王不仁死無日矣乃告急菩薩鹿王鹿王曰  
悲哉慈母之心忍及朱形吾今代汝遂至王門道路  
之人傳聲唱曰彼大鹿王今來入邑都人士庶莫不  
馳觀主之聞也以爲不誠門者白至王乃信然曰鹿  
王何遽來耶鹿曰有雌鹿當死胎子未產心不能忍  
敢以身代王聞歎曰我人身鹿也爾鹿身人也於是  
悉放諸鹿不復輸命即以其林爲諸鹿藪因而謂之

施鹿林焉鹿野之号自此而興伽藍西南二三里有  
窰堵波高三百餘尺基趾廣峙瑩飾奇珍既無層龕  
便置覆鉢雖建表柱而無輪鐸其側有小窰堵波是  
阿若憍陳如等五人棄制迎佛處也初薩婆曷刺他  
悉陀唐言一切義成舊太子踰城之後棲山隱谷忘  
身殉法淨飯王乃命家族三人舅氏二人曰我子一  
切義成捨家修學孤遊山澤獨處林藪故命爾曹隨  
知所止內則叔父伯舅外則既若沮臣凡厥動靜宜  
知進止五人銜命相望營衛因即勤求欲期出離每  
相謂曰夫修道者苦證耶樂證耶二人曰安樂爲樂

西域記

五

三人曰勤苦為道二三文筆來有以明於是太子  
惟至理為伏苦行外道節糜米以支身彼二人者見  
而言曰太子所行非真實法夫道也者樂以證之今  
乃勤苦非吾徒也捨而遠遁思惟果證太子六年苦  
行未證菩提欲驗苦行非真受乳糜而證果斯三人  
者聞而歎曰功垂成矣今其退矣六年苦行一旦捨  
功於是相從求訪二人既相見已匡坐高論更相議  
曰昔見太子一切義成出王宮就荒谷去珍服披鹿  
皮精勤勵志貞節苦心求深妙法期無上果今乃受  
牧女乳糜敗道虧志吾知之矣無能為也彼二人曰

君何見之晚歟此猖蹶人耳夫處乎深宮安乎尊勝  
不能靜志遠迹山林棄轉輪王位為鄙賤人行何可  
念哉言增忤怛耳菩薩浴尼連河坐菩提樹成等正  
覺号天人師寂然宴默惟察應度曰彼鬻頭藍子者  
證非想定堪受妙法空中諸天尋聲報曰鬻頭藍子  
命終已來經今七日如來歎惜斯何不適垂聞妙法  
邊從反化重更觀察營求世界有阿藍迦藍得無所  
有處定可授至理諸天又曰終已五日如來再歎  
其薄祐又更諦觀誰應受教唯施鹿林中有五人者  
可先誘道如來爾時起菩提樹越鹿野園威儀寂靜

神光見囉毫舍主彩身真金色安詳前進導以彼  
斯五人遙見如來牙相謂曰一切義成彼來者是歲  
月遽淹聖果不證心斯已退故尋尋徒宜各默然勿  
起迎禮如來漸近威神動物五人忘制拜迎問訊侍  
從如儀如來漸誘示之妙理兩安居畢方獲果證  
施鹿林東行二三里至窰堵波傍有涸池周八十餘  
步一名救命又謂烈士聞諸梵志曰數百年前有一  
隱士於此池側結廬屏迹博習伎術究極神理能使  
瓦礫為寶人畜易形但未能馭風雲陪仙駕閱闡考  
古更求仙術其方曰夫神仙者長生之術也將欲求

學先定其志築建壇場周一丈餘命一烈士信勇昭  
著執長刀立壇隅屏息絕言自昏達旦且求仙者中壇  
而坐手按長刀口誦神咒收視及聽遲明登仙所執  
銛刀變為寶劍陵虛覆空王諸仙侶執劍指麾所欲  
皆從無衰無老不病不死是人既得仙方行訪烈士  
營求曠歲未諧心頓後於城中遇見一人悲號逐路  
隱士觀其相心甚慶悅即而慰問何至怨傷曰我以  
貧窶傭力自濟其主見知特深信弗期滿其歲當酬  
重賞於是忍勤苦忘艱辛五年將周一且違失既蒙  
答辱又無所得以此為心悲悼誰恤隱士命與同遊

西域記

卷



來居草廬以術力故化具有鱗已而令入池浴服新衣又以五百金錢遺之曰盡當來求幸無外也自時厥後數加重賂潛行陰德感激集心烈士屢求効命以報知己隱士曰我求烈士彌歷歲時幸而會遇奇貌應圖非有他故願一夕不聲耳烈士曰死尚不辭豈徒屏息於是設壇塲受仙法依方行事坐待日曛曛暮之後各司其務隱士誦神咒烈士按銘刀始將曉矣忽發聲叫是時空中火下煙焰雲蒸士疾引此人入池避難已而問曰誠子無聲何以驚叫烈士曰受命後至夜分昏耽苦夢變異更起見昔事主躬來

躬慰謝感荷厚恩忍不報語波人震怒遂見殺害受中陰身顧死歎惜猶願歷世不言以報厚德遂見託生南印度大婆羅門家乃至受胎出胎備經苦阨荷恩荷德嘗不出聲泊乎受業冠婚喪親生子每念前思忍而不謂宗戚屬咸見怪親異年過六十有五我妻謂曰汝可言矣若不語者當殺汝子我時惟念已隔生世自顧衰老唯此稚子因止其妻令無殺害遂發此聲耳隱士曰我過也此魔嬖耳烈士感恩悲事不成憤恚而死免大災難故曰救命感恩而死又謂烈士池烈士池西有三獸空堵波是如來修菩薩行時

西域記

燒身之處劫初時於此林野有狐兔獾異類相悅時  
天帝釋欲驗修菩薩行者降靈應化為一老夫謂三  
獸曰二三子善安隱乎無驚懼耶時步豐草遊茂林  
異類同歡既安且樂老夫曰聞二三子情厚意密忘  
其老弊故此遠尋今正飢乏何以饋食曰幸少留此  
我躬馳訪於是同心虛已分路營求孤泂水濱銜一  
鮮鯉後於林樹採異華菓俱來至止同進老夫唯兔  
空還遊躍左右老夫謂曰以吾觀之爾曹未和後孤  
同志各能安心唯兔空還獨無相饋以此言之誠可  
知也兔聞譏議謂孤後曰多聚樵蘇方有所作孤後

競馳銜草曳木既已瀘崇猛焰將熾兔曰仁者我身  
早劣所求難遂敢以微躬充此一食辭畢入火尋即  
致死是時老夫復帝尺身除燼仗骸傷歎良久謂孤  
後曰一何至此吾感其心不泯其迹寄之月輪傳乎  
後世故彼咸言月中之兔自斯而有後人於此建窠  
堵波從此順苑伽河流東行三百餘里至戰主國  
戰主國周二千餘里都城臨苑伽術周十餘里居人  
豐樂邑里相隣土地膏腴稼穡時播氣序和暢風俗  
淳質大性獷烈邪正兼信伽藍千餘所僧徒減千餘

西域記

五

並皆遵習小乘教法天祠二十異道雜居矣大城西  
北伽藍中窳堵波無憂王之所建也印度記曰此中  
有如來舍利一升昔者世尊嘗於此處七日之中為  
天人衆顯說妙法其側則有過去三佛坐及經行遺  
迹之處隣此復有慈氏菩薩像形量雖小威神巖然  
靈鑿潛通竒迹間起

大城東行二百餘里至阿避陁羯刺拏僧伽藍

唐言不穿耳

周垣不廣彫飾甚工華池交影臺閣連甍僧徒肅  
穆衆儀庠序聞諸先志曰昔大靈山北觀貨邏國有  
樂學沙門二三同志禮誦餘閑每相謂曰妙理幽玄

非言談所究聖迹昭著可足址所尋宜詢其迹親觀  
聖迹於是二三交友杖錫同遊即至迎度寓諸伽藍  
輕其邊鄙莫之見舍外迫風露內累口腹顏色憔悴  
形容枯槁時此國王出遊近郊見諸客僧怪而問曰  
何方乞士何所因來耳既不穿耳又垢弊沙門對曰  
我觀貨邏國人也恭承遺教高蹈俗塵率其同好觀  
禮聖迹慨以薄福衆所同棄印度沙門莫顧羈旅欲  
還本土巡禮未周雖迫勤苦心遂後已玉聞其說用  
增悲感即斯勝地建立伽藍白氎題書為之制白我  
惟尊居世上貴極人中斯皆三寶之靈祐也既為人

王受佛付囑，凡厥染衣，吾當慧濟。建此伽藍，式招羈  
旅。自今已來，諸穿耳僧，我此伽藍，不得止舍。因其事  
迹，故以名焉。阿避陀羯刺拏伽藍，東南行百餘里，南  
渡苑伽河，至摩訶婆羅邑，並婆羅門種，不道佛法，然  
見沙門先訪學業，知其強識，方深禮敬。苑伽河北有  
那邏延天祠，重閣層臺，與其麗飾，諸天之像，鑄石而  
成，工極人謀，靈應難究。那邏延天祠，東行三十餘里，  
有空堵波，無憂王之所建也。大半陷地，前建石柱，高  
餘二丈，上作師子之像，刻記伏鬼之事。昔於此處，有  
曠野鬼，特大威力，噉入血肉，作害生靈，肆極妖崇。如

來，惑諸衆生，不得其死，以神通力，誘化諸鬼，導以歸  
依之敬。齊以不殺之戒，諸鬼承教，奉以周旋。於是舉  
石請佛安坐，願聞正法。克念護持，自茲厥後，無信之  
徒，競共推移。鬼置石座，動以萬數，莫之能轉。茂林清  
池，周基左右，人至其側，無不心懼。

伏鬼側不遠，有數伽藍，雖多傾毀，尚有僧徒，並皆遵  
習大乘教法。從此東南行百餘里，至一窣堵波，基已  
傾陷，餘高數丈。昔者如來寂滅之後，八國大王，分舍  
利也。量舍利婆羅門，蜜塗瓶內，分授諸王。而婆羅門  
持瓶以歸，既得所黏，舍利遂建窣堵波，并瓶置內。因

以名焉後無憂王開取舍利瓶改建大窣堵波或至  
齊且時燭光明從此東北渡苑伽河行百四五十里  
至吠舍釐國舊曰毗舍利國  
吠舍釐國周五千餘里土地沃壤華果茂盛菴沒羅  
果茂遮果既多且貴氣序和暢風俗淳質好福重學  
邪正雜信伽藍數百多已圯壞存者三五僧徒稀少  
天祠數十異道雜居露形之徒寔繁其黨吠舍釐城  
已甚傾頽其故基趾周六七十里官城周四五里少  
有居人官城西北五六里至一伽藍僧徒寡少習學  
小乘正量部法傍有窣堵波是昔女來說毗摩羅詰

經長者子寶積等獻寶蓋處其東有窣堵波舍利子  
等於此證無學之果  
舍利子證果東南有窣堵波是吠舍釐王之所建也  
佛涅槃後此國先王分得舍利式修崇建印度記曰  
此中舊有如來舍利一斛無憂王開取九斗唯留一  
斗後有國王復欲開取方事興工尋則地震遂不敢  
開其西北有窣堵波無憂王之所建也傍有石柱高  
五六十尺上作師子之像石柱南有池是群獼猴為  
佛穿也在昔如來曾住於此池西不遠有窣堵波諸  
猴持如來鉢上樹取蜜之處池南不遠有窣堵波是

西域記卷八

五

諸獼猴奉佛蜜處池西北隅猶有獼猴形像伽藍東  
北三四里有窣堵波是毗摩羅詰言無垢稱舊日  
名則是稱義雖取同名各乃  
有異舊曰維摩詰略也故宅基此多有靈異去此  
不遠有一神舍其狀壘壘即無垢稱長者  
現疾說法之處去此不遠有窣堵波長者子寶積故  
宅也去此不遠有窣堵波是菴沒羅女故宅佛姨母  
等諸苾芻尼於此證入涅槃  
伽藍北三四里有窣堵波是如來將往拘尸那國入  
般涅槃人與非人隨從世尊至此佇立次西北不遠  
有窣堵波是佛於此最後觀吹舍釐城其南不遠有

精舍前建窣堵波是菴波羅女園持以施佛菴沒羅  
園有窣堵波是如來告涅槃處佛昔在此告阿難曰  
其得四神足者能住壽一劫如來今者當壽幾何如  
是再三阿難不對天魔迷惑故也阿難從坐而起林  
中宴默時魔來請佛曰如來在出世教化已久蒙濟流  
轉數如塵沙寂滅之樂今其時矣世尊以少土置爪  
上而告魔曰地土多耶爪土多耶對曰地土多也佛  
言所度者如爪上土未度者如本地土却後三月吾  
當涅槃魔聞歡喜而退阿難林中忽感異夢來白佛  
言我在林間夢見大樹枝葉茂盛蔭影蒙密驚風忽

起摧散無餘將非出專欲火寂滅我心懷懼故來請  
 問佛告阿難吾先告汝汝為魔弊不時請留魔王勸  
 我早入涅槃已許之期斯夢是也  
 告涅槃期側不遠有窳堵波千子見父母處也昔有  
 仙人隱居巖谷仲春之月鼓濯清流鹿鹿隨飲感生  
 女子姿貌適人唯脚似鹿仙人見已收而糶焉其後  
 命令求火至餘仙廬足所履地迹皆有蓮華彼仙見  
 已深以奇之令其統廬方乃得火鹿女依命得火而  
 還時梵豫王畋遊見華尋迹以求悅其奇怪同載而  
 返相師占言當生子子餘婦聞之莫不圖計日月既

滿生一蓮華華有千葉葉生一子餘婦誣罔咸稱不  
 詳投苑伽河隨波泛濫焉者延王下流遊觀見黃雲  
 蓋乘波而來取以開視乃有千子乳糶成立有大力  
 焉恃有千子拓境四方兵威乘勝將及此國時梵豫  
 王聞之甚懷震懼兵力不敵計無所出矣是時鹿女  
 心知其子乃謂王曰今寇戎臨境上下摧心賤妾忍  
 衰能敗強敵王未之信也憂懼良深鹿女乃昇城樓  
 以待寇至王將兵圍城已而鹿女告曰莫為逆事  
 我是汝母汝是我子千子謂曰何言之謬鹿女手按  
 兩乳流注千岐天性所感遂入其口於是解甲歸宗

釋兵逐族兩國交歡百姓安樂千子歸宗側不遠有  
窣堵波是如來經行舊迹指告衆曰昔吾於此歸宗  
身親欲知千子即賢劫中千佛是也述本生東有故  
基上建窣堵波光明時燭祈請或遠是如來說普門  
陀羅尼等經重閣講堂餘址也

講堂側不遠有窣堵波中有阿難半身舍利去此不  
遠有數百窣堵波欲定其數未有克知是千獨覺入  
寂滅處吠舍釐城內外周墮聖迹繁多難以具舉形  
勝故墟魚鱗間峙歲月驟改炎涼蒸移林既摧殘地  
亦枯涸朽株餘迹其詳驗焉

大城西北行五六十里至大窣堵波栗吠反舊婆子

舊曰離事別如來處如來自吠舍釐城趣拘尸那國

諸栗吠婆子聞佛將入寂滅相從號送世尊既見衰

慕非言可喻即以神力化作大河崖岸深絕波流迅

急諸栗吠婆悲慟以止如來舊鉢為作追念

吠舍釐城西北減二百里有故城荒蕪歲久居人曠

必中有窣堵波是佛在昔為諸菩薩人天大衆引說

本生修菩薩行曾於此城為轉輪王名曰摩訶提婆

大唐言有七寶應王四天下親親反之相體無常之理

寘懷高蹈忘情大位捨國出家終衣修學



城東南行十四五里至大寧堵波是七百賢聖重結  
集處佛涅槃後百一十年吠舍釐城有諸苾芻遠離  
佛法謬行戒律時長老耶舍陀住憍薩羅國長老三  
菩伽住秣菟羅國長老釐波多住轉若國長老沙羅  
往吠舍釐國長老富闍蘇彌羅住娑羅梨弗國諸大  
羅漢心得自在持三藏得三明有六名稱衆所知識  
皆是尊者阿難弟子時耶舍陀遣使告諸賢聖皆可  
集吠舍釐城猶少一人未滿七日是時富闍蘇彌羅  
以天眼見諸大賢聖集議法事運神足至法會時三  
菩伽於大衆中右袒長跪揚言曰衆無諱欽哉念哉

昔大聖法王善權寂滅歲月雖淹言教尚在吠舍釐  
城懈怠苾芻謬於戒律有十事出違十力教今諸賢  
者深明持犯俱承大德阿難指誨念報佛恩重宣聖  
旨時諸大衆莫不悲感即召集諸苾芻依毗奈耶訶  
責制止削除謬法宣明聖教

七百賢聖結集南行八九十里至濕吠多補羅僧伽  
藍層臺輪奐重閣翬飛僧衆清肅並學大乘其傍則  
有過去四佛坐及經行遺迹之處其側寧堵波無憂  
王之所建也如來在昔南趣摩揭陀國北顧吠舍釐  
城中途止息遺迹之處

濕吹多補羅伽藍東南行三十餘里，苑伽河南北岸，各有一窠堵波，是尊者阿難陀分身，與二國處。阿難陀者，如來之從父弟也。多聞、摠持、博學、強識，佛去世後，繼大迦葉住持正法，導進字人，在摩揭陀國於林中經行。見一沙彌誦佛經章句，錯謬文字，紛亂阿難聞已，感慕增懷，徐詣其所，提擲指授。沙彌笑曰：「大德，老矣，所言謬矣。我師高明，春秋鼎盛，親承示誨，誠無所誤。」阿難默然退，而嘆曰：「我年雖邁，為諸眾生欲久住世，住持正法，然眾生垢重，難以誨語，久留無利。可速滅度。」於是去摩揭陀國，趣吠舍釐城，渡苑伽河。

泛舟中流，時摩揭陀王聞阿難去，情深戀德，即嚴戎駕疾馳，追請數百千衆營軍南岸，吠舍釐王聞阿難來，悲喜盈心，亦治軍旅，奔馳迎候，數百千衆屯集北岸，兩軍相對，旌旗翳日。阿難恐聞其兵更相殺害，從舟中起，上昇虛空，示現神及，即入寂滅。化火焚骸，又中析一，隨南岸一，墮北岸。於是二王各得一分，舉軍號慟，俱還本國。起窠堵波，而候供養。從此東北行五百餘里，至弗栗恃國。北人謂三伐時弗栗恃國，周四千餘里，東西長，南北狹，土地膏腴，華果茂盛，氣序微寒，人性躁急，多敬外道，少信佛法。伽

西域記

卷六

藍十餘所僧徒減千人大小二乘兼功通學天祠數十外道寔衆國大都城号占成擊多已頽毀故宮城中尚有二千餘家若村若邑也大河東北有伽藍僧徒寡少學業清高從此西行依河之濱有窰塔波高餘三丈南帶長流大悲卍尊度漁人處也越在佛世五百漁人結儔附黨漁捕水族於此河流得一大魚有十八頭頭各兩眼諸漁人方欲害之如來在吠舍釐國天眼見興悲心乘其時而化導因其機而啓悟告諸大衆弗栗特國有大魚我欲導之以悟諸漁人尔宜知時於是大衆圍繞神足陵虛至於河濱如常

敷座遂告諸漁人尔勿殺魚以神通力開方便門威被大魚令知宿命能作人語貫解人情尔時如來知而故問汝在前身曾作何罪流轉惡趣受此弊身魚曰昔承福慶生自豪族大婆羅門劫比他者我身是也恃其族性陵蔑人倫恃其博物鄙戲經法以輕慢心毀讟諸佛以醜惡語詈辱衆僧引類形比謂若馳驢象馬諸醜形對由此惡業受此弊身尚資宿善生遭佛世日都聖化親承聖教因而懺謝悔先作業如來隨機攝化如應開導魚既聞法於是命終承茲福力上生天宮於是自觀其身何緣生此既知宿命念

報佛恩與諸天衆肩隨戾止前禮既畢右繞退立以  
天寶香華持用供養世尊指告漁人為說妙法於即  
感悟輸誠禮懺裂網焚舟歸真受法既服染衣又聞  
至教皆出塵垢俱證聖果度漁人東北行百餘里故  
城西有窣堵波無憂王所建高百餘尺是佛在昔於  
此六月說法度諸天人此百四五十步有小窣堵波  
如來昔於此處為諸苾芻制戒次西不遠有如來髮  
爪窣堵波如來昔於此處近遠邑人相趨輻湊焚香  
散華燈炬不絕從此西北千四五百里踰山入谷至  
尼波羅國中印尼波羅國周四千餘里在雪山中國

大都城周二十餘里山川連屬宜穀稼多華果出赤  
銅鼈牛命命身貨用赤銅錢氣序寒冽風俗險詖人  
性剛獷信義輕薄無學藝有工巧形貌醜弊邪正兼  
信伽藍天祠接堵連隅僧徒二千餘人大小一乘兼  
收綜習外道異學其數不詳王刹帝利栗咕婆種也  
志學清高純信佛法近代有王号鸞輪代摩唐言碩  
學聰敏自製聲明論重學敬德遐迹著聞都城東南  
有小水池以人火投之水即焰起更投餘物亦變為  
火從此復還吠舍釐國南渡疏伽河至摩揭陀國舊  
摩伽陀又曰摩竭提

大唐西域記卷第七

櫛比上阻風反下毗梳各也反羅靡上息委反下免慄慄

也呂錦反敬鬢髮上髮尾也反鬻胡引弓也揆力

反拘殉詞以聞反物猖蹶音厥倒也也下怛怛音上

力下丁達閱音悅遺之上去聲賂音路饋食求位及

反憂驚也疑然力宜連亮同前反枯槁下音妖祟下私權心上

離憂栗帖下昌業反寘懷上支義反無譁下音華暈

飛上音驕也提擲帝西音讚音讀也犛牛上莫險波下

記反也光胄下直毫反莫到也險波下

諸也

福州等覺禪院住持傳法沙門普明引仗印經板頭

錢某為

今上皇帝祝延聖壽闔郡官僚同資淨位彫造

大藏經印板計五百餘函時崇寧二年十月日謹題

大唐西域記卷第八

三藏法師

玄奘奉

詔譯

大摠持寺沙門

辯機

撰

一國

摩揭陀國上

摩揭陀國周五千餘里城少居人邑多編戶地沃壤

滋稼穡有異稻種其粒麤大香味殊越光色特甚彼俗謂之供大六米土地墊濕邑居高原孟夏之後仲秋之前平居流水可以泛舟風俗淳質氣序溫暑崇重志學尊敬佛法伽藍五十餘所僧徒萬有餘人並多宗習大乘法教天祠數十異道寔多

宛伽河南有故城周七十餘里荒蕪雖久基趾尚有

昔者人壽無量歲時号拘蘇摩補羅城唐言香華宮城王官

多華故以名焉逮乎人壽數千歲更名波吒釐子城

昔曰此也初有婆羅門高才博學門人數千傳以授

業諸學徒相徒遊觀有一書生徘徊帳望同儔謂曰

夫何憂乎曰盛色方剛驕遊履影歲月已積藝業無

成顧此為言憂心弥劇於是學徒戲言之曰今將為

子求婢婚親乃假立二人為男父母二人為女父母

遂坐波吒釐樹謂女婿樹也採時果酌清流陳婚姻

之緒請好合之期時假女父攀華枝以授書生曰斯

嘉偶也幸無辭焉書生之心欣然自得日暮言歸懷

戀而止學徒曰前言戲耳幸可同歸林中猛獸恐相

殘害書遂留往來樹側景夕之後異光燭野管絃清

雅惟帳陳列俄見老翁策杖來慰復有一媪携引少

女並賓從盈路袂服奏樂翁乃指少女曰此君之弱

室也酣歌樂讌經七日焉學徒疑為獸害往而求之  
乃見獨坐樹陰若對上客告與同歸辭不從命後自  
入城拜謁親故說其始末聞者驚駭與友諸人同往  
林中咸見華樹是一大第僮僕役使驅馳往來而彼  
老翁從容接對陳饌奏樂賓主禮備諸友還城具告  
遠近暮歲之後生一子男謂其妻曰吾今欲歸未忍  
離阻適復留上棲寄露其妻既聞具以白父翁謂  
書生曰人生行樂詎必故鄉今將築室且無異志於  
是役使靈徒功成不日香華舊城遷都此邑由彼子  
故神為築城自爾之後國名波吒釐子城焉王故宮

北有石柱高數十尺是無憂王作地獄處釋迦如來  
涅槃之後第一百年有阿輪迦唐言無憂王王者  
頻毗娑羅唐言影堅昔曰王之曾孫也自王舍城遷  
都波吒釐重築外郭周於故城年代漫遠唯餘故基  
伽藍天祠及窣堵波餘趾數百在者二三唯故宮北  
臨流伽河小城中有千餘家初無憂王嗣位之後舉  
措苛暴乃立地獄作害生靈周垣峻峙隅樓特起猛  
焰洪爐鋸鋒利刃備諸苦具擬像幽塗招募凶人立  
為獄主初以國中犯法罪人不按輕重摠入塗灰後  
以行經獄次擒以誅戮至者皆死遂緘口焉時百歲

西遊記

卷二

門初入法苑巡里乞食遇至獄門獄吏凶人擒縛殘  
害沙門惶怖請得禮懺俄見一人縛來入獄斬截手  
足磔裂形骸俯仰之間肢體糜散沙門見已深增悲  
悼成無常觀證無學果獄卒曰可以死矣沙門既至  
聖果心夷生死雖入鑊湯若在清池有大蓮華而為  
之座獄主驚駭馳使白王王遂躬觀深讚靈祐獄主  
曰大王當死王曰云何對曰王先垂命令監刑獄九  
至獄垣皆從殺害不云王入而獨免死王曰法已  
定釋無再變我先垂令豈除汝身汝久濫生我之咎  
也即命獄卒投之洪鑪獄主既死王乃得出於是願

牆堦墜廢獄寬刑

地獄南不遠有窳堵波基址傾陷唯餘覆鉢之勢寶  
為廁飾石作欄檻即八萬四千之一也無憂王以人  
功建於宮焉中有如來舍利一升靈鑿間起神光時  
燭無憂王廢獄之後遇近護大阿羅漢方便善誘隨  
機導化王謂羅漢曰幸以宿福位據人尊慨茲障累  
不遭併化今者如來遺身舍利欲重修建諸窳堵波  
羅漢曰大王以福德力役使百靈以弘誓心匡護三  
寶是所願也其時矣因為廣說獻土之因如來懸  
記興建之功無憂王聞已慶悅召集鬼神而令之曰



法王導利含靈有慶我資宿善尊極人中如來遺身  
重修供養今爾鬼神勦力同心境極贍部戶滿狗豚  
以佛舍利起窣堵波心發於我功成於汝勝福之利  
非欲獨有宜各營構待後告命鬼神受首在所興功  
功既成已成來請命無憂王既開八國所建諸窣堵  
波分其舍利付鬼神已謂羅漢曰我心所欲諸處同  
時藏下舍利心雖此冀事未從欲羅漢白王命鬼神  
至所期日日有隱蔽其狀如手此時也宜下舍利王  
承此旨宣告鬼神速乎期日無憂王觀候光景日正  
中時羅漢以神通力伸手蔽日營建之所咸皆瞻仰

同於此時功績咸畢

窣堵波側不遠精舍中有大石如來所履雙迹猶存  
其長尺有八寸廣餘六寸矣兩迹俱有輪相十指皆  
帶華文魚形映起光明持照昔者如來將取寂滅地  
趣拘尸那城南顧摩揭陀國蹈此石上告阿難曰吾  
今最後留此足迹將入寂滅顧摩揭陀也百歲之後  
有無憂王命卅君臨建都此地匡護三寶役使百神  
及無憂王之嗣位也遷都築邑掩固迹石既近宮城  
恒親供養後諸國王競欲舉歸石雖不大衆莫能轉  
近者設賞迹王毀壞佛法遂即石所欲滅聖迹鑿

還平文彩如故於是捐棄殊尚河流尋復本處其劍  
 窳堵波即過去四佛坐及經行遺迹之所佛迹精舍  
 側不遠有大石柱高三十餘尺書記殘缺其大略曰  
 無憂王信根貞固三以贍部州施佛法僧三以諸珍  
 寶重自酬贖其辭云云大略所在斯故宮北有大石  
 室外若崇山內廣數大是無憂王為出家弟役使神  
 鬼之所建初無憂王有同母弟名摩醯因陀羅唐言大帝  
 生自貴族服僭王制奢侈縱暴衆庶懷怨國輔老巨  
 進諫王曰驕弟作威亦以太甚夫政平則國治人和  
 則主安古之明訓由來久矣願存國典收付執法無

憂王泣謂弟曰吾承基緒覆燾生靈况爾同胞豈忘  
 慧愛不先匡導已陷形法上懼先靈下迫衆議摩醯  
 因陀羅誓首謝曰不自謹行敢干國憲願賜再生更  
 寬七日於是置諸幽室嚴加守衛珍著上饌進奉無  
 虧守者唱曰已過一日餘有六日至第六日已既深  
 憂懼更勵身心便獲果證昇虛空示神通尋出塵俗  
 遠棲巖谷無憂王躬往謂曰昔拘國制欲殺嚴刑豈  
 意清泉取證聖果既無滯累何以還國弟曰昔羈愛  
 網心馳聲色奔出危城志悅山谷願棄人間長從丘  
 壑王曰欲靜心慮豈必幽巖吾從爾志當為崇樹遂

召命鬼神而告之曰吾於後日廣備珍羞爾曹相率  
來集我會各持大石自為牀座諸神受命至期畢華  
衆會既已王告神曰石座縱橫且自積聚因功不勞  
疊為虛空諸神受命不日而成無憂王躬往迎請止  
此山廬

故宮北地欲南有大石搏是無憂王匠役神功作為  
此器飯僧之時以備食也

故宮西南有小石山周巖谷間數十石室無憂王為  
近護等諸阿羅漢役使鬼神之所建立傍有故臺餘  
基積石池沼漣漪清瀾澄盪際國遠人謂之聖水昔

有飲濯罪垢消滅

山西南有五窠塔波崇基已陷餘趾尚高遠而望之  
鬱若山阜面各數百步後人於上重更修建小窠塔  
波印度記曰昔無憂王建八萬四千窠塔波已尚餘  
五升舍利故別崇建五窠塔波製奇諸處靈異間起  
以表如來五分法身薄信之徒竊相評議云是昔者  
難陀王建此五藏以儲七寶其後有王不甚淳信聞  
先疑議肆其貪求興動軍師躬臨發掘地震山傾雲  
昏日翳窠塔波中大聲雷震士卒僵仆象馬奔奔自  
致已降無敢觀覲或曰衆議雖多未為確論循古所

記信得其實。其地有屈屈勿吒阿濫摩。園僧伽藍無憂  
女城東南有屈屈勿吒阿濫摩。園僧伽藍無憂  
王之所建焉。無憂王初信佛法也。式遵崇建修植善  
種。召集千僧。允聖兩衆。四事供養。什物周給。頽毀已  
久。基址尚存。伽藍側有大窣堵波。名阿摩落伽。阿摩  
落伽者。印度藥果之名也。無憂王遘疾。弥留。知命不  
濟。欲捨珍寶。崇樹福田。權臣執政。誠勿從欲。其後因  
食留阿摩落果。玩之半爛。握果長息。問諸臣曰。瞻部  
洲主。今是何人。諸臣對曰。唯獨大王。王曰。不然。我今  
非主。唯此半果。而得自在。嗟乎。世間富貴。危甚風燭。

位據區宇。名高稱謂。臨終匱乏。見逼強臣。天下非已。  
半果斯在。乃命侍臣。而告之曰。持此半果。詣彼雞園。  
施諸衆僧。作如是說。昔一瞻部洲主。今半阿摩落王。  
誓首大德。儻前願受。最後之施。允諸所有。皆已喪失。  
唯斯半果。得少自在。哀愍貧乏。增長福種。僧中上座。  
作如是言。無憂大王。宿期弘濟。虐疾在躬。茲臣擅命。  
積寶非已。半果為施。承王來命。普施衆僧。即召典事。  
羹中搃煮。攸其果核。起窣堵波。既荷厚恩。遂達願命。  
阿摩落伽。窣堵波。西北故伽藍中。有窣堵波。謂建捷  
稚聲。初此城內伽藍百數。僧徒肅穆。學業清高。外道

學人鎮聲緘口其後僧徒相次徂落而諸後進其繼  
 前修外道師資傳訓成藝於是命儔侶千計萬數  
 來集僧坊揚言唱曰大擊捷稚招集學人群愚同止  
 謬有扣擊遂白王請校優劣外道諸師高文達學僧  
 徒雖衆辭論庸淺外道曰我論勝自今已後諸僧伽  
 藍不得擊捷稚以集衆也王允其請依先論制僧徒  
 受耻忍詬而退十二年間不擊捷稚時南印度那伽  
 闍刺樹那菩薩唐言龍極舊譯曰龍樹非也幼傳雅譽長擅高名  
 捨離欲愛出家修學深究妙理位登初地有大弟子  
 提婆者智慧明敏機神警悟白其師曰波吒釐城諸

學人等辭屈外道不擊捷稚日月驟移十二年矣敢  
 欲摧邪見山然正法炬龍猛曰波吒釐城外道博學  
 爾非其儔吾今行矣提婆曰欲摧腐草詎必傾山敢  
 承指誨黜諸異學大師立外道義而我隨文破析詳  
 其優劣然後圖行龍猛乃扶立外義提婆隨破其理  
 七日之後龍猛失宗已而嘆曰謬辭易失邪義難扶  
 爾其行矣摧彼畢矣提婆菩薩夙擅高名波吒釐城  
 外道聞之也即相召集馳白王曰大王昔紆聽覽制  
 諸沙門不擊捷稚願垂告命令諸門候隣境異僧勿  
 使入城恐相黨援輕改先制王允其言嚴加伺候提

婆既至不得入城聞其制令便易衣服卷疊裝袋置  
草束中裹裳疾驅負戴而入既至城中棄草披衣至  
此伽藍欲求止息知人既寡莫有相舍遂宿捷維臺  
上於晨朝時便大振擊衆聞伺察乃昨客遊苾芻諸  
僧伽藍傳聲響應王聞究問莫得其先至此伽藍咸  
推提婆提婆曰夫捷維者擊以集衆有而不用懸之  
何為王人報曰先時僧衆論議隨負制之不擊已十  
二年提婆曰有是乎吾於今日重聲法鼓使報王曰  
有異沙門欲雪前耻王乃召集學人而定制曰論失  
本宗殺身以謝於是外道競陳旗鼓誼談異議各羅

辯鋒提婆菩薩既昇論座聽其先說隨義析破曾不  
浹反摧諸異道國王大臣莫不慶悅建此靈基以旌  
至德  
建擊捷維窰堵波北有故基昔鬼辯婆羅門所居處  
也初此城中有婆羅門葺宇荒敷不文卅路祠鬼求  
福魁魘相依高論劇談雅辭響應人或激難垂惟已  
對舊學高才無出其右士疾翕然仰之猶聖有阿濕  
縛窰沙唐言馬鳴菩薩者智周萬物道播三乘每謂人曰  
此婆羅門學不師受藝無稽古屏居幽寂獨擅高名  
將非神鬼相依妖魅所附何能若是者乎夫辯資鬼

授言不對人辭說一聞莫能再述吾今往彼觀其舉措遂即其廬而謂之曰仰欽盛德為日已久幸願寒惟敢伸宿志而婆羅門居然簡傲垂惟以對終不面談馬鳴心知鬼魅情甚自負辭畢而退謂諸人曰吾已知之摧彼必矣尋往白王唯願垂許與彼居士較論劇談王聞駭曰斯何人哉若不證三明具六通何能與彼論乎命駕躬臨詳鑒辯論是時馬鳴論三藏微言述五明大義妙辯縱橫高論清遠而婆羅門既述辭已馬鳴重曰失吾首矣宜重述之時婆羅門默然杜口馬鳴叱曰何不釋難所事鬼魅宜速授辭疾

褰其帷視占其怪婆羅門惶遽而曰止止馬鳴退而言曰此子今晨聲聞失墜虛名非久斯之謂也王曰非夫盛德誰鑒左道知人之哲絕後光前國有常典宜旌茂實

城西南隅二百餘里有伽藍餘址其傍有窰堵波神光時燭靈瑞間發近遠衆庶莫不祈請是過去四佛坐及經行遺迹之所故伽藍西南行百餘里至鞞羅釋迦伽藍庭宇四院觀閣三層崇臺累砌重門洞啟頻毗婆羅王末孫之所建也旌召高戈廣延俊德異域學人遠方髦彥同

類相趨肩隨戾止僧徒千數並學大乘中門當塗有  
三精舍上置輪相鈴鐸虛懸下建三基軒檻周列戶  
牖棟梁塲垣階陞金銅隱起廁間莊嚴中精舍佛立  
像高三丈左多羅菩薩像右觀自在菩薩像九斯三  
像鑰石鑄成威神肅然宜鑒遠矣精舍中各有舍利  
一升靈光或照奇瑞間起鞮羅釋迦伽藍西南九十  
餘里至大山雲石幽蔚靈仙攸舍毒蛇暴龍窟穴其  
藪猛獸摯鳥棲伏其林山頂有大磐石上建窣堵波  
其高十餘尺是佛入定處也昔者如來降神止此坐  
斯磐石入滅盡定時經宿焉諸天靈聖供養如來鼓

天樂雨天華如來出定諸天感慕以寶金銀起窣堵  
波去聖逾觀寶變為石自古迄今人未有至遙望高  
山乃見異類長蛇猛獸群從右旋天仙靈聖肩隨讚  
禮

山東崗有窣堵波在昔如來作觀摩揭陀國於獲之  
處也山西北三十餘里山阿有伽藍負嶺崇基踰崖  
峙閣僧徒五十餘人並習大乘法教瞿那末底唐言德惠  
菩薩伏外道之處初此山中有外道摩耆婆耆祖僧  
佞之法而習道焉學窮內外言極空有名高前烈德  
重當時君王珍敬謂之國寶臣庶宗仰咸曰家師隣



國學入承風仰德傳之先進誠博達也食邑二城環  
居封建時南印度德慧菩薩幼而敏達早擅清微學  
通三藏理窮四諦聞摩沓婆論極幽微有懷挫銳命  
一門人裁書謂曰敬問摩沓婆善安樂也宜忘勞弊  
精習舊學三年之後摧汝嘉聲如是第二第三年中  
每發使報及將發迹重裁書曰年期已極學業何如  
吾今至矣汝宜知之摩沓婆甚懷惶懼誠諸門人及  
以邑戶自今之後不得居止沙門異道迺相宣告勿  
有犯違時德慧菩薩杖錫而來至摩沓婆邑邑人守  
約莫有相舍諸婆羅門更詈之曰斷髮殊服何異人

乎且時速去勿此止也德慧菩薩欲摧異道冀宿其  
邑因以慈心卑辭謝曰爾曹世諦之淨行我又勝義  
諦之淨行淨行既同何為見拒婆羅門因不與言但  
事驅逐逐出邑外入大林中林中猛獸群行為暴有  
淨信者恐為獸害乃束蘊持杖謂菩薩曰南印度有  
德慧菩薩者遠傳聲聞欲來論議故此邑主懼墜嘉  
聲重垂嚴制勿止沙門恐為物害故來相援行矣自  
安勿有他慮德慧曰良告淨信德慧者我是也淨信  
聞已更深恭敬謂德慧曰誠如所告宜可速行既出  
深林止息空澤淨信縱火持弓周旋左右夜分三盡

謂德慧曰可以行矣恐人知聞來相圖害德慧謝曰不敢忘德於是遂行至王宮謂門者曰今有沙門自遠而至願王垂許與摩沓婆論王聞驚曰此妄人耳即命使臣往摩沓婆所宣王旨曰有異沙門來求談論今已營灑論場宣告遠近佇望來儀願垂降趾摩沓婆問王使曰豈非南印度德慧論師乎曰然摩沓婆聞心甚不悅事難辭免遂至論場國王大臣士庶豪右咸皆集會欲聽高談德慧先立宗義泊乎景落摩沓婆辭以年衰智昏捷對請歸靜思方酬來難每事言歸及且昇座竟無異論至第六日歐血而死其

將終也顧命妻曰爾有高才無忘所耻摩沓婆死匿不發喪更服鮮綺來至論會眾咸誼譁更相謂曰摩沓婆自負才高耻對德慧故遣歸來優劣明矣德慧菩薩謂其妻曰能制汝者我已制之摩沓婆妻知難而退王曰何言之密彼便默然德慧曰惜哉摩沓婆死矣其妻欲來與我論耳王曰何以知之願垂指告德慧曰其妻之來也面有死喪之色言含哀怨之聲以故知之摩沓婆死矣能制汝者謂其夫也王命使往觀果如所議王乃謝曰佛法玄妙英賢繼軌無為宗道含議露化依先國典褒德有常德慧曰苟以愚

昧體道居貞存止足論齊物將弘汲引先摧傲慢  
 便攝化今其時矣唯願大王以摩查婆邑戶子孫千  
 代常充僧伽藍人則垂誠來業流美無窮唯彼淨信  
 見匡護者福延千世食用同僧以勸清信以褒厚德  
 於是建此伽藍式旌勝迹初摩查婆論敗之後十數  
 淨行逃難隣國告諸外道耻辱之事招募英俊來雲  
 前耻王既珍敬德慧躬往請曰今諸外道不自量力  
 結黨連群敢聲論鼓唯願大師推諸異道德慧曰且  
 集論者於是外道學人欣然相慰我曹今日勝其必  
 矣時諸外道闡揚義理德慧菩薩曰今諸外道逃難

遠遊如王先制皆是賤人我今如何與彼對論德慧  
 曰有負座豎素聞餘論頗開微首侍立於側聽諸高  
 談德慧拊其座而言曰牀汝可論衆咸驚駭異其所  
 命時負座豎便即發難深義泉涌清辯響應三復之  
 後外道失宗重挫其銳再折其翻自伏論已來為伽  
 藍邑戶德慧伽藍西南二十餘里至孤山有伽藍戶  
 羅跋陀羅戒賢論師論義得勝捨邑建焉竦一危峯  
 如宰堵波置佛舍利論師三摩咀吒國之王族婆羅  
 門之種也少好學有風操遊諸印度詢求明哲至此  
 國那爛陀僧伽藍遇護法菩薩聞法信悟請服染衣

諮以究竟之致問以解脫之路既窮至理亦究微音  
 名擅當時聲高異域南印度有外道探賾索隱窮幽  
 洞微聞護法高名起我慢深嫉不阻山川擊鼓求論  
 曰我南印度之人也承王國內有大論師我雖不敏  
 願與詳議王曰有之誠如議也乃命使臣請護法曰  
 南印度有外道不遠千里來求較論唯願降趾赴集  
 論場護法聞已攝衣將往門人戒賢者後進之勸梵  
 也前進請曰何處行乎護法曰自慧已潛暉傳燈寂  
 照外道蟻聚異學蜂飛故我今者將摧彼論戒賢曰  
 恭聞餘論敢推異道護法知其俊也因而允焉是時

戒賢年甫三十衆輕其少恐難獨任護法知衆心之  
 不平乃解之曰有貴高明無云齒歲以今觀之破彼  
 必矣逮乎集論之日遠近相趨少長咸萃外道弘闡  
 大猷盡其幽致戒賢循理責實深極幽玄外道辭窮  
 蒙耻而退王用酬德封此邑城論師辭曰染衣之士  
 事資知足清淨自守何以邑為王曰法王晦迹智再  
 淪滑不有旌別無勵後學為弘正法願垂哀納論師  
 辭不獲已受此邑焉便建伽藍窮諸規矩捨其邑戶  
 或條供養戒賢伽藍西南行四五十里渡尼連禪河  
 至伽耶城甚險固少居人唯婆羅門有千餘家太師

人之祚胤也王所不臣衆咸宗敬城北三十餘里有

清泉印度相傳謂之聖水允有飲灌罪垢消除

城西南五六里至伽耶山溪谷杳冥峯巖危險印度

國俗稱曰靈山自昔君主馭宇承統化洽遠人德隆

前代莫不登封而告成功山頂上有石窣堵波高百

餘尺無憂王之所建也靈鑿潛被神光時燭昔如來

於此演說寶雲等經

伽耶山東南有二窣堵波如葉波本生邑也其南有

二窣堵波則伽耶如葉波捺提如葉波舊曰耶提迦

迦葉例無事火之處

伽耶迦葉波事火東渡大河至鉢羅笈菩提山唐言

覺山如來將證正覺先如來勤求六歲未成正覺後

登此山故云前正覺捨苦行示受乳糜行自東北遊目此山有懷幽寂欲

證正覺自東北崗登以至頂地既震動山又傾搖山

神惶懼告菩薩曰此山者非成正覺之福地也若止

於此入金剛定地當震陷山亦傾覆菩薩下自西南

止半崖中背巖面澗有大石室菩薩即之加趺坐焉

地又震動山復傾搖時淨居天空中唱曰此非如來

成正覺處自此西南十四五里去苦行處不遠有畢

鉢羅樹下有金剛座去來諸佛咸於此坐而成正覺

願當就彼菩薩方起室中龍曰斯室清勝可以證聖  
 唯願慈悲勿有遺棄菩薩既知非取證所為遂龍意  
 留影而去影在昔日賢愚咸觀編於今時或有得見也諸天前導往菩提  
 樹逮乎無憂王之興也菩薩登山上下之迹皆樹旌  
 表建窳堵波度量雖殊靈應莫異或華雨空中或光  
 照幽谷每歲罷安居日異方法俗登彼供養信宿乃  
 還前正覺山西南行十四五里至菩提樹周垣壘軌  
 崇峻嶮固東西長南北狹周五百餘步奇樹名華連  
 陰接影細沙異草弥漫緣被正門東闢對尼連禪河  
 南門接大華池西阨險固北門通大伽藍塼垣內地

聖迹相隣或窳堵波或復精舍並瞻部洲諸國君王  
 大臣豪族欽承遺教建以記焉  
 菩提樹垣正中有金剛座昔賢劫初成與大地俱起  
 據三千大千世界之中下極金輪上侵地際金剛所  
 成周百餘步賢劫千佛坐之而入金剛定故曰金剛  
 座焉證聖道所亦曰道塲大地震動獨無傾搖是故  
 如來將證正覺也歷此四隅地皆傾動後至此處安  
 靜不傾自入末劫正法浸微沙土弥覆無復得見佛  
 涅槃後諸國君王傳聞佛說金剛座量遂以兩軀觀  
 自在菩薩像南北標界東面而坐聞諸耆舊曰此菩

薩像身沒不見佛法當盡今南隅菩薩沒過曾臆矣  
 金剛座上菩提樹者即畢鉢羅之樹也昔佛在世高  
 數百尺屢經殘伐猶高四五丈佛坐其下成等正覺  
 因而謂之菩提樹焉莖幹黃白枝葉青翠冬夏不凋  
 光鮮無變每至如來涅槃之日葉皆凋落頃之復故  
 是日也諸國君王異方法俗數千萬衆不召而集香  
 水香乳以既以洗於是奏音樂列香華燭炬繼日競  
 修供養如來寂滅之後無憂王之初嗣位也信受邪  
 道毀佛遺迹興發兵徒躬臨剪伐根莖枝葉分寸斬  
 截次西數十步而積聚焉今事火婆羅門燒以祠天

煙焰未靜忽生兩樹猛火之中茂葉含翠因而謂之  
 灰菩提樹無憂王觀異悔過以香乳既餘根泊乎將  
 且樹生如本王見靈怪重深欣慶躬修供養樂以忘  
 歸王素信外道密遣使人夜分之後重伐其樹無憂  
 王且將禮敬唯見葉株深增悲慨至誠祈請香乳既  
 灌不日還生王深敬畢壘石周垣其高十餘尺今猶  
 見在近設賞迦王者信受外道毀嫉佛法壞僧伽藍  
 伐菩提樹掘至泉水不盡根樞乃縱火焚燒以甘蔗  
 汁沃之欲其焦爛絕滅遺萌數月後摩揭陁國補刺  
 祭伐摩王唐言無憂王之末孫也聞而嘆曰慧日已

隱唯餘佛樹今復摧殘生靈何覩舉身投地哀感動  
 物以數千牛搆乳而既經夜樹生其高丈餘恐後剪  
 伐周峙石垣高二丈四尺故今菩提樹隱於石壁上  
 出二丈餘菩提樹東有精舍高百六七十尺下基面  
 廣二十餘步壘以青甌塗以石灰質龍皆有金像四  
 壁鏤作音製或連珠形或天仙像上置金銅阿摩落  
 迦果亦謂寶瓶東面接為重閣澹宇特起三層樓柱  
 棟梁戶扉寮牖金銀彫鏤以飾之殊玉廁錯以填之  
 奧室邃宇洞戶三重外門左右各有龕室左則觀自  
 在菩薩像右則慈氏菩薩像白銀鑄成高十餘尺精

舍故地無憂王先建小精舍後有婆羅門更廣建焉  
 初有婆羅門不信佛法事大自在天傳聞天神在雪  
 山中遂與其弟往求願焉天曰九諸願求有福方果  
 非汝所祈非我能遂婆羅門曰修何福可以遂心天  
 曰欲植善種求勝福田菩提樹者證佛果處也宜時  
 速返行菩提樹建大精舍穿大水池興諸供養所願  
 當遂婆羅門受天命發大信心相率而返兄建精舍  
 弟鑿水池於是廣修供養勤求心願後皆果遂為王  
 太子九得祿賞皆入檀舍精舍既成招募工人欲圖  
 如來初成佛像曠以歲月無入應召久之有婆羅門



來告衆曰我善圖寫如來妙相衆曰今將造像夫何  
所須曰香泥耳宜置精舍之中并一燈照我入已豎  
門其戶六月後乃可開門時諸僧衆皆如其命尚餘  
四月未滿六月衆咸駭異開以觀之見精舍內佛像  
儼然結加趺坐右足居上左手斂右手垂東面而坐  
肅然如在座高四尺二寸廣丈二尺五寸像高丈一  
尺五寸兩膝相去八尺八寸兩肩六尺二寸相好具  
足慈顏若真唯右乳上塗瑩未周既不見人方驗神  
鑒衆咸悲嘆殷勤請知有一沙門宿心淳質乃感夢  
見往婆羅門而告曰我是慈氏菩薩恐工人之思不

測聖容故我躬來圖寫佛像垂右手者昔如來之將  
證佛果天魔來嬖地神告至其一先出助佛降魔如  
來告曰汝勿憂怖吾以忍力降彼必矣魔王曰誰為  
明證如來乃垂手指地言此有證是時第二地神踊  
出作證故今像手放昔下垂衆知靈鑒莫不悲感於  
是乳上未周填廁衆寶珠纓寶冠奇珍交飾設賞迦  
王伐菩提樹已欲毀此像既觀慈顏心不安忍迴駕  
將返命宰臣曰宜除此佛像置大自在天形宰臣受  
命懼而歎曰毀佛像則歷劫招殃違王命乃喪身滅  
族進退若此何所宜行乃召信心以為役使遂於像

西成已

前橫疊軌心愈冥闇又置明燈軌壁之前盡自在天  
功成報命王聞心懼舉身生趣肌膚攪裂居未及之  
便喪沒矣宰臣馳逐毀除障壁時經多日燈猶不滅  
像今尚在神功不虧既處奧室燈炬相繼欲覩慈顏  
莫由審察必於晨朝持大明鏡引光內照乃覩靈相  
夫有見者自增悲感如來以卽度吠舍佉月後半八  
日成等正覺當此三月八日也上座部則吠舍佉月  
後半十五日成等正覺當此三月十五日也是時如  
來年三十矣或曰年三十五矣  
菩提樹北有佛經行之處如來成正覺已不起千座

七日寂定其起也至菩提樹北七日經行東西往來  
行十餘步異華隨迹十有八文後人於此疊軌為基  
高餘三尺聞諸先志曰此聖迹基表人命之脩短也  
先發誠願後乃度量隨壽脩短數有增減  
經行基北道左磐石上大精舍中有佛像舉目上望  
昔者如來於此七日觀菩提樹目不輒捨為報樹恩  
故此瞻望

菩提樹西不遠大精舍中有鑰石佛像飾以奇珍東  
面而立前有青石奇文異彩是昔如來初成正覺梵  
王起七寶堂帝釋建七寶座佛於其上七日思惟故

異光明照菩提樹去聖悠遠寶變為石  
菩提樹南不遠有窣堵波高百餘尺無憂王之所建  
也菩薩既羅尼連河將趣菩提樹竊自惟念何以爲  
座尋自發明當須淨草天帝釋化其身爲刈草人荷  
而逐路菩薩謂曰所荷之草頗能慧耶化人聞命恭  
以草奉菩薩受已執而前進受草東北不遠有窣堵  
波是菩薩將證佛果青雀群鹿呈祥之處印度休徵  
斯爲嘉應故淨居天隨順世間群從飛繞劫靈顯聖  
菩提樹東大路左右各一窣堵波是魔王燒菩薩處  
也菩薩將證佛果魔王勸受輪王策說不行設憂而

返魔王之女請往誘焉菩薩威神衰變治容扶羸策  
杖相携而退

菩提樹西北精舍中有迦葉波佛佛像既稱靈聖時燭  
光明聞諸先記曰若人至誠旋繞七周在所生處得  
宿命智

迦葉波佛精舍西北二軌室各有地神之像昔者如  
來將成正覺一報魔至一為佛證後人念功圖形旌  
德

菩提樹垣西北不遠有窣堵波謂鬱金香高四十餘  
尺漕矩吒國商主之所建也昔漕矩吒國有大商主

宗事天神祠求福利輕蔑佛法不信因果其後將就  
商侶買遷有無汎舟南海遭風失路波濤飄浪時經  
三歲資糧罄竭糊口不充同舟之人朝不謀夕勦力  
同志念所事天心慮已勞冥功不濟俄見大山崇崖  
峻嶺兩日驟暉重明照朗時諸商旅更相慰曰我曹  
有福過此大山宜於中止得自安樂商主曰非山也  
乃摩竭魚耳崇崖峻嶺鬚鬣也兩日驟暉眼光也言  
聲未靜舟帆飄湊於是商主告諸侶曰我聞觀自在  
菩薩於諸危厄能施安樂宜各至誠稱其名字遂即  
同聲歸命稱念崇山既隱兩日亦沒俄見沙門威儀

庠序杖錫陵虛而來極溺不踰時而至本國矣因即  
信心身固求福不回建窣堵波式修供養以鬱金香  
泥而周塗上下既發信心率其同志躬禮聖迹觀菩  
提樹未暇言歸已淹晦朔商侶同遊更相謂曰山川  
悠闊鄉國遼遠昔所建立窣堵波者我曹在此誰其  
灑掃言訖旋繞至此忽見有窣堵波駭其由致即前  
瞻察乃本國所建窣堵波也故今印度因以爵金爲  
名菩提樹垣東南隅尼拘律樹側窣堵波傍有精舍  
中作佛坐像昔如來初證佛果大梵天王於此勸請  
轉妙法輪

西土言  
菩提樹垣內四隅皆有一大窣堵波在昔如來受盡  
詳草已趣菩提樹先歷四隅大地震動至金剛座方  
得安靜樹垣之內聖迹鱗次差難遍舉

菩提樹垣外西南窣堵波奉乳糜二牧女故宅其側  
窣堵波牧女於此煮糜次此窣堵波如來受糜處也  
菩提樹南門外有大池周七百餘步清闌澄鏡龍魚  
潛宅婆羅門兄弟承大自在天命之所鑿也次南一  
池在昔如來初成正覺方欲浣濯天帝釋為佛化成  
池西有大石佛浣衣已方欲曝曬天帝釋自大雪山  
持來也其側窣堵波如來於此納故衣次南林中窣

堵波如來受貧老母施故衣處帝釋化池東林中有  
自支隣陀龍王池其水清黑其味甘美西岸有小精  
舍中作佛像昔如來初成正覺於此宴坐七日入定  
時此龍王警衛如來即以其身繞佛七匝化出多頭  
俯垂為蓋故池東岸有其室焉自支隣陀龍池東林  
中精舍有佛羸瘦之像其側有經行之所長七十餘  
步南北各有畢鉢羅樹故今士俗諸有嬰疾香油塗  
像多蒙除差是菩薩修苦行處如來為伏外道又受  
魔請於是苦行六年日食一麻一麥形容毀悴膚體  
羸瘠經行往來攀樹後起處

菩薩苦行畢鉢羅樹側有窣堵波是阿昔憍陳如等  
五人住處初太子之捨家也彷徨山澤棲息林泉時  
淨飯王乃命五人隨瞻侍焉太子既修若行憍陳如  
等亦即勤求

憍陳如等住處東南有窣堵波菩薩入尼連禪那河  
沐浴之處河側不遠菩薩於此受食乳糜其側窣堵  
波二長者獻麩蜜處佛在樹下結加趺坐寂然宴默  
受解脫樂過七日後方從定起時二商主行次林外  
而彼林神告商主曰釋種太子今在此中初證佛果  
心疑寂定四十九日未有所食隨有奉上獲大善利

時二商主各持行資麩密奉上卍尊納受長者獻麩  
側有窣堵波四天王奉鉢處商主既獻麩蜜卍尊  
以何器受之時四天王從四方來各持金鉢而以奉  
上卍尊默然而不納受以為出家不且此器四天王  
捨金鉢奉銀鉢乃至頗胝瑠璃馬腦車渠真珠等鉢  
卍尊如是皆不為受四天王各還宮奉持石鉢紺青  
映徹重以進獻卍尊斷彼此故而揔受之次第重疊  
按為一鉢故其外則有四際焉四天王獻鉢側不遠  
有窣堵波如來為母說法處也如來既成正覺稱天  
人師其母摩耶首天宮降於此處卍尊隨機示教利

喜其側洞池岸有窣堵波在昔如來現諸神變化有  
緣處現神變側有窣堵波如來度憂婁頻螺迦葉波  
三兄弟及千門人處如來方垂善導隨應降伏時優  
婁頻螺迦葉波五百門人請受佛教如葉波曰吾亦  
與爾俱返迷途於是相從來至佛所如來告曰棄鹿  
皮衣捨祭火具時諸梵志恭承聖教以其服用投尼  
連河捺提迦葉波見諸祭器隨流漂泛與其門人候  
兄動靜既見改轍亦隨染衣伽耶迦葉波與二百門  
人聞其兄之捨法也亦至佛所願修梵行  
度迦葉波兄弟西北窣堵波是如來伏迦葉波所事

火龍處如來將化其人先伏所宗乃止梵志火龍之  
室夜分已後龍吐煙焰佛既入定亦起火光其室洞  
然猛燄炎熾諸梵志師恐火害佛莫不奔赴悲號  
愍優婁頻螺迦葉波謂其徒曰以今觀之未必火也  
當是沙門伏火龍耳如來乃以火龍盛置鉢中清且  
持示外道門人其側窣堵波五百獨覺同入涅槃處  
也目支隣陀龍池南窣堵波迦葉救如來溺水處也  
迦葉兄弟時推神道遠近仰德黎庶歸心世尊方導  
迷徒大權攝化興布密雲降注暴雨周佛所居今獨  
無水迦葉是時見此雲雨謂門人曰沙門住處將不

漂溺泛舟來救乃見世尊覆水如地踏河中流水亦  
沙現如葉見已心伏而退

菩提樹垣東門外二里有盲龍室此龍者殃累宿  
積報受生盲如來自前正覺山欲趣菩提樹途次室  
側龍眼忽明乃見菩薩將趣佛樹謂菩薩曰仁今不  
久當成正覺我眼盲冥于茲已久有佛興世我眼轉  
明賢劫之中過去三佛出興世時已得明現仁今至  
此我眼忽開以故知之當成佛矣

菩提樹垣東門側有窣堵波魔王怖菩薩之處初魔  
王知菩薩將成正覺也誘亂不遂憂惶無賴集諸神  
眾齊整魔軍治兵振旅將惱菩薩於是風雨飄注雷  
電晦冥縱火飛煙揚沙激石備矛盾之具極強矢之  
用菩薩於是入大慈定允厥兵仗變為蓮華魔軍怖  
駭奔馳退散其側不遠有二窣堵波帝釋梵王之所  
建也

菩提樹北門外摩訶菩提僧伽藍其先僧伽羅國王  
之所建也庭宇六院觀閣三層周堵垣墻高三四丈  
極工入之妙窮丹青之飾至於佛像鑄以金銀允厥  
莊嚴廁以珍寶諸窣堵波高廣妙飾中有如來舍利  
其骨舍利大如手指節光潤鮮白皎澈淨外其肉舍



利如大真珠色帶紅縹每歲至如來大神變月滿之日出示衆人即印度十二月三十日也此時也或放光或兩華僧徒減千人習學大乘上座部法律儀清肅戒行貞明昔者南海僧伽羅國其王淳信佛法發自天然有族弟出家想佛聖迹遠遊印度寓諸伽藍咸輕邊鄙於是返迹本國王躬遠迎沙門悲哽若不能言王曰將何所負若此殷憂沙門曰我憑恃國威遊方問道羈旅異域載罹寒暑動遭陵辱語見譏誚負斯憂耻詎得歡心王曰若是者何謂也曰誠願大王福田為意於諸印度建立伽藍旣旌聖迹又擅高名

福資先王恩及後嗣曰斯事甚美聞之何晚於是國中之寶獻印度王王既納貢義存懷遠謂使臣曰我今將何持報來命使臣曰僧伽羅王誓首印度大吉祥王大王威德遠振慧澤遐被下土沙門欽風慕化敢遊上國展敬聖迹寓諸伽藍莫之見館艱辛已極蒙耻而歸竊圖遠謀貽範來葉於諸印度建一伽藍使客遊乞士息肩有所兩國交歡行人無替王曰如來潛化遺胤斯在聖迹之所任取一焉使者奉辭報命群臣拜賀遂乃集諸沙門評議建立沙門由菩提樹者去來諸佛咸此證聖考之異議無出此謀於



吉反阿鞮羅上音塲垣上音圖上音而專反下音幽蔚反音

也擊鳥後擊之鳥也驚驚磐石上音迄今音迄今音反音摩音

合反音毆血也音吐音探睛上音助音隔反音微也下音淪滑

沒也音徐反音笈反音葉音莖餘反音且音既音古音變反音葉音株反音

伐木之音詹宇上音益屋音榱柱上音所音追反音皮音藹音貌反音攬

裂上音俱音吹反音以刈草上音莫音吹音涪音下音曹音到反音鬢音鬣音

夷反音下音良音轉音羸瘠下音力音垂反音劣也音仿惶上音步音忱反音少

蚤上音尺音小反音將音脅下音以音威音逼音人也音子音楸上音莫音等反音下

韋之屬也音

日不復月...

